

山東府縣志輯

中國地方志集成


民國陽信縣志

中國地方志集成


山東府縣志輯 ②③

民國陽信縣志

鳳凰出版社 ● 上海書店 ● 巴蜀書社



民國陽信縣志



朱 勞
蘭 迺
宣 迺
纂 修

本書八卷附補遺一卷，據民國十五年（一九二六）鉛印本影印。

陽信縣志序

相邑武功靈壽三縣志
為自本之州邑志乘者
以稱道至會稽章六矣
高氏起講明史法始著

陽信縣志

論昨之獨於陸清秋多
然處清秋理學名臣志
以人重也後之論史者
義法者多先章氏之
說觀其所為湖北通志

敘例及州縣志諸例精

深淵大洵有會于國神

方智之言以成一家之

言蓋好學深思心知其

意而難為起用淺識者

陽信縣志

之也然則州邑志乘固

與國史同條共貫顧不

重與義例或外見聞

果為後世良史其何

藉以擇善而徵信耶

陽信勞君遜五謀脩其
邑志邑中賢士大夫相
與贊其志之勞君玉初實
總纂脩之任積六七年
始成書其用力可謂勤

陽信縣志

卷七

矣遜五來乞弁言吾知
玉初宿學通敏富於著
述其必有以合乎章氏
之說足供國史之取材
豈僅如朝邑諸志之耿

譽一時也哉天津徐世昌



陽信縣志

卷七

序

事有因而類於創述而更難於作者非賢豪有志之士孰克舉之郡縣之志比於國史則微矣然自來修史者非廣徵而博采於此蒐討而取材焉不為功吾魯陽信之設縣也肇於漢改置於隋徒今治於宋欽風之鎮流波之務桑落之墅在焉其大川巨浸則鉤盤馬頰故道之所經其遗迹猶

陽信縣志

并序

可得而考也邑舊有志明徐公九皋實始為之厥後宰是邑者迭為修補自清乾隆中葉以後失修迄今一百六十餘年無起而繼之者吾友勞遜五次長憂之以為志乘不備固地方有司之責亦邦人士所當有事也爰倡率集資商之前縣宰朱君蘭聘其族長老王初先生暨同邑之博學能文者稽攷故實遠紹旁搜逾兩年而成書

又越五年而付之梓於是百數十年之遺聞墜緒廢而不能舉者乃復臻於完備刊將竣走書徵序於余余受而讀之例詳於前事增於舊文斐然而可觀取公私諸家之章牘紀載比事屬辭而一準之史例猗歟美已抑余有感焉近世士大夫以官為家方其煊赫時侈然談天下之務一若六合之大無不如納於懷抱者及叩以其鄉

陽信縣志

并序

縣之事則瞠然不知所對將所謂數典而忘祖者非耶遜五昔居籍時嘗為山東三游河工總辦疏濬濬治苦神焦思工速而費省舉吾省積年之河患而一蠲之其造福於桑梓者功已偉矣今又出其餘緒而施之於邑志俾墜者復續聞者復完其亦能務本而志於久遠者矣海濱耆耄之年得覩斯舉知吾魯之大有入也遂欣然弁

言簡端而以歸之

丙寅十有一月掖縣呂海寰序

時年八十有五



陽信縣志

序

陽信縣志序

古者列國各有史掌記時事自封建之制亡而史廢然郡縣猶有志則其遺意也陽信之爲縣千幾百年矣而志無成書一邑之故湮沒而不傳余爲此懼乃於退食之餘周咨旁考爰作九志夫聖神御極體國經野故志地理疆理既宜分職以治故志職官職陳教因革脩時故志建置節力薄征生民乃遂故志貢賦祈報由弭民居迺奠故志祠祀化民易俗教學爲先故志學校教化既修譽髦斯作故志選舉登庸功立觀化俗成故志人物多聞建事學古有獲故志文籍嗚呼結繩望而書契興大道隱而春秋作故曰書契之文不若結繩之易治春秋之正不若大道之無言雖然時

陽信縣志序

有升降政有沿革明道紀事彰善癉惡非志記其奚以哉徒以言愧無文行懼匪遠爾

嘉靖十年秋九月朔知陽信縣事姚江徐九臯遠卿甫識

重修陽信縣志序

夫志爲一邑實錄以備觀覽以徵文獻所補於風教者非細也陽信爲海岱間名區志則嘉靖初徐尹所修者今計之已六十餘年矣邇來科第之炳煥官師之淑慝人物之臧否風土之變易賦役之輕重戶口之增損孝義忠節之表著舉未有載焉茲非缺典也歟哉修志實我有司事顧案牘日勞何暇把筆乃以纂修屬之趙明經以其學博而功暇也明經初遜不敏余再屬之既而欲分其任余又專屬之辭弗獲乃開局纂修焉遠則稽近則述舊志可採則採劉別駕所修者可錄則錄彈力研精摘藻揆華於凡事切民物禮出典常教關風化政係要害者則章章載又章章論也書既

陽信縣志

序

二

成分爲二帙余乃捐俸募梓間綴小序以引其端茲志可傳與否在方家自有鑒別然而巨細兼收雅俗並列一開卷而陽信瞭然如在目前則邑之實錄此亦庶乎足備云

萬歷十有三年歲在乙酉冬月知陽信縣事牟陽朱大紀撰

重修陽信縣志序

大同武世舉撰

陽信屬濟南稱名邑舊時無志自嘉靖初徐尹始修其規制乃略具云萬歷癸未朱尹敦請清波趙公纂修公信博雅君子也重朱尹請授簡一書類別二帙哀然成信邑乘不佞世舉承乏茲土三年矣每會州縣譚志者咸嘖嘖稱信蓋藉光多矣計自朱公重修迄今十餘載其間官師科第賦稅徭役人物藝文未載志者難以悉數於今不續後將何稽典章有缺守土者安得辭其責於是偕僚屬及師生復請趙公公以老且疾辭舉懇之曰信志非公原筆乎於是續修功可不煩而就公不執筆誰復任其事辭弗獲五閱月而修完畢乃付之剞劂氏爲數語偕引其端夫志欲詳弗詳弗

陽信縣志

序

三

備也志欲文弗文弗工也清波有良史才又兼苦心廣詢故老以補其缺遠稽羣籍以核其實凡所爲考爲志爲表爲傳爲雜錄體裁迥異前修事蹟所增者益詳且備其一時名公詩文有關信邑者盡收志中炳炳烺烺若日星森列可以備觀省可以徵文獻一時實錄百世章程舉所幸以藉光也寧有既哉是志也成於萬歷己亥歲夏四月開局總裁則趙公任之邑廣文三君著教諭張國光訓導宋德亨羅萬象咸與有事焉

重修陽信縣志序

陽信志既成予乃進多士於庭共翻閱之而揜之曰是役也屬辭比事予則有之訪遺逸羅舊聞此諸君子之力予何敢居然予竊有進志十卷卷各以類民生之疾痛係焉閭井之盛衰著焉政治之得失備焉舉筆欲書哀鴻頽尾宛然在目憂從中來矣譜建置則憂夫九河故道早先稿而滂先浸也譜田賦則憂夫原額攤荒責在官而累在民也風俗漸薄則有游士游民之憂禮文多墜則有踰閑越制之憂官箴有飭也而循良者幾何士鼎自愛也而懿行者綿邈則益憂摧腐竭髓操心賦目弔古者感慨於遺編衡今者致傷於躍治予固拙而鮮效哉其不能家至而戶曉者諸君子

陽信縣志序

四

亦共爲維持之築堤者衆人決而一人塞則決者退矣樹木者衆人掘而一人培則掘者阻矣諸君子盍思王彥方管幼安陳仲弓若而人乎布疋可遺汲器可置梁上人可誨而鄉黨相勸於善彼非有化民成俗之責而所感者已速於置郵捷於桴鼓諸君子行將自家而鄉而國而天下可汶汶焉如予之不德哉多士曰因令而後行者政也不言而默喻者德也化之成也其源自上信之民非怙侈而長慢也其秀者敦詩書樸者服田疇非強梗而難治也而失業者遯徙無常貿利者趨死如鶩大率貧驅之耳夫里居而比處宗族聚焉婦子寄焉親戚廬墓在焉自非冥頑樂禍之人迫之以去情篤而不忍恤之以刑畏罪而不犯也獨貧也切其身昏

其智移易其心思世之所謂大害者彼則引以爲利焉矣今聖天子惠養元元念三齊爲京師藩輔簡大賢以爲重臣監司牧伯及於守令無不慎擇其人民隱達矣獨陽信一邑呻吟呼籲猶不得上聞豈見之未真而籌之未熟哉座有泣者則歌者停聲舟有溺者則載者濡首不相告語而應之矣今此志也已若繪圖而陳情告之當事上之國史吾陽信之民疾在膜理而適遇良醫庶幾有瘳乎予聞而惻然多士退遂紀其言於簡端

康熙二十一年歲次壬戌孟冬之吉文林郎知陽信縣事蘭陵周虔森天子甫撰

陽信縣志序

五

重修陽信縣志序

志者誌也誌其盛亦誌其實也夫既誌其盛而又必誌其實則志
洵有未易言矣今試志戶口而撫循嘆咻之無術澤之鴻難言桑
之雉也志賦役而飛灑侵隱之未除魚之網未免鴻之罹也閉閣
而思者幾事鼠雀非虞芮之成開門而撫者幾人牛羊無墜巷之
字泮林鷹化乎多士鸞鷟乎虎渡河而危不吠否也信能行此數
者探之太史則爲淳風垂之志乘則爲實錄非然者徒爲紙上之
談兵空中之樓閣而已志固未易言也陽信舊誌修於康熙之二
十一年其所言俗尚耕織士崇經術亦所謂誌其實者歟惜及今
六十餘載板或殘缺字多漫滅又二十一年以後法制彌新典章

陽信縣志序

六

大備如秩祀之崇隆郡邑之改隸衝歌巷舞感盛世之滋生樂備
禮明皆太平之黼黻日增月盛美不勝書天民承乏以來卽思續
成書以光邇治而鉛刀初割固陋寡聞誠恐民情風土未盡週知
撫字催科未盡得當游惰未盡歸農刀劍未盡買犢子衿未盡改
城闕之風多士未盡有茅茹之慶惴惴憂懼恐隳乃職惟是宣上
德意期吾民爲唐虞三代之民而民亦奉上德意數年以來雖不
敢曰比戶可封而賦歛之額既已清石壕之吏既已除土地田疇
既已闢其士君子既已炳炳而麟麟文章科目官績既已卓卓而
可紀裁諸小吏非有智誘術御之爲而能使百姓歡欣鼓舞以臻
於阜生正德之休者皆聖天子休養生息涵煦百年之深也於是

考故府之典冊述遺老之傳聞纂集成書於地輿見山川草木有

輝光焉於五行見堯水湯早有惕厲焉於職官見大法小廉威戾
尺焉於學校見尊師重道倫大明焉雖邑乘紀載無多而隨事掇
拾可以見聖德神功垂之載籍而無窮形爲歌咏而不朽卽百里
小臣亦得藉天子之光而述所職因與此邦父老同歌德化之成
也豈不盛哉或謂志猶史也史有三長談非容易然而敲章琢句
闕靡誇多則有專家在若夫紀一邑之事成一邑之書實而有據
信而可徵則固有司之事也其敢以簿書之吏辭

乾隆九年歲次甲子仲春文林郎知陽信縣事加三級紀錄五次
宜城邱天民次衡甫撰

陽信縣志序

七

重修陽信縣志序

課吏者曰有治人不思無治法而吾謂有治法亦因有治人蓋法以人行人以法著均之不可偏廢也夫人其國而政可知是故登田賦而知撫字催科之有方也瞻學校而知興賢育才之有自也披職官而知大法小廉考鑒不遠也覽人物而知激濁揚清因革從宜也舉凡政治民生諸大事罔不畢具而瞭如指掌故循良之績不出簡編之中而誌之修廢政之得失因之誌顧不綦重哉陽信舊志修於康熙壬戌之歲迄今垂八十載舊板模糊殘缺況月異而歲不同典章法制類多前所未備前任邱君天民於乾隆九年雅意重修訂有底草會調任滕陽未果而去允深蒞任以來恐

陽信縣志

序

八

其久而愈湮後將不可復爲也思有以纂續而勒爲成書者久之顧以固陋寡聞未敢輕出也會戊寅春署篆惠民郡伯赫公命曰武定自改州設府以來未嘗刊有郡誌汝掘篆首邑蓋不倡始以襄盛典允深隨奉檄倡捐廉俸並移會各寅屬刻期設立誌院迨請名宿次第具舉今且將次告竣夫忽近而圖遠鮮不蹈無田所譏且向所謂聞見未周者今已十得其七八矣嗣與兩廣文沈君佐清王君式軾及少府沈君楷分遣多士訪羅舊聞摭拾故事苦心焦慮五閱月而成遂使八十載將墜之緒前十年邱君未竟之功一旦殫然畢舉付之剞劂以永垂不朽而允深七年來所設誠致行者亦得稍紓重負矣迺人之睹是編者咸以爲余賀余曰工

垂之智徒手則無所施其長離子之明蔽目則不能罄其用余未

敢誇明鏡之不疲竊幸利器有必先藉非諸君廣爲蒐羅多士遍爲採訪則是帙之成豈有今日且匪直此也茫茫墜緒百務廢弛行見陽邑之賦稅徭役版籍亂而毫強橫也黨塾學宮茂草鞠而子衿刺也孝義廉節前者湮而後者逸也官師吏役上無度而下無守也思可勝言哉審是吾更爲多士賀吾更爲陽邑賀也余何賀之有多士聞而喜咸請爲之記是爲序

乾隆二十四年歲次己卯孟春之吉文林郎知陽信縣事鄒陽王允深季通甫撰

陽信縣志

序

九

重修陽信縣志序

余自丁丑司鐸倪城覽其殿廡垣牆朽腐傾頽愴然殆難以爲懷而一帙綿薄不能不藉當事之連籌己卯春請其事於邑侯王公曰微君言余固將新之顧吾有急於此者九願與君商也聖廟之不光君之責也余實與有責焉而邑乘之荒缺未修咎將焉諉陽信志修於康熙壬戌迄今將八十載凋殘剝落其所關於政治民生者其大是非相與以有成焉不可余承命之下懼學疏識淺而無能爲役也公遂設法捐募博徵文獻廣爲蒐羅次第具舉數閱月之間事不煩而功就登之藁梨俾一邑之宏綱細目朗然如揭日月而鳩工庀材宮牆煥然亦於此時告厥成焉則信乎以數

陽信縣志序

一〇

十年之功必待諸其人而後行也而誌以紀事以傳實新廟亦附載焉正非徒誇紙上之談己也迺從校訂之餘益悉公之所爲無非言之而可行者學宮其特著者耳遂得藉手以告無曠職云是爲序時乾隆二十四年歲次己卯三月穀旦

乾隆癸酉拔貢陽信縣儒學教諭歷城沈佐清補堂甫撰

續修陽信縣志序

邑之有志猶國之有史也古者小史掌邦國之志外史掌四方之志又有太史陳詩以觀民風命市納賈以觀民之所好惡故自郡國以迄州縣莫不有志亦將以觀天文察地理飭人官叙物曲凡關一縣之政治者胥載於志上以資考鏡下以示勸懲而不可一日廢者也信邑縣志自乾隆二十四年王公允深續修後屢議重修皆因欸絀而中止迄今越百六十年矣嗚呼天道十年而一變矧又閱百數十年其間災祥之徵應民物之豐耗政治之因革人文之代謝名宦鄉賢循良之遺型善政無可考徵並科甲選舉以及篤行者宿孝友忠貞節烈之潛德幽光凡可以觀感興起型方

陽信縣志序

一一

而訓俗者悉就湮沒不獨一邑之缺典亦邑人之遺憾也況自治乘更變以來政治之改革如停科舉立學堂開國會舉議員改兵制興商務敦外交政議共和革故鼎新舉從前屯蒙否塞之世一變而爲開通文明之治易曰窮則變變則通通則久今民國創立於茲八年國勢既已變更人事必有轉移苟不紀事徵實聽舊志之廢墜而不續修以繼美焉將何以善變通而垂永久乎歲秋之梢河務局局長勞君遜五假歸修墓立碑祭災之暇宴會衆賓縱談而言及修志勞君因愀然以思慨然而興曰是不可以己也尤幸近奉部令飭各州縣一律纂修志書又適有縣之清賦餘欸千餘緡以爲開辦底欸經勞君倡之諸同志和之以邑紳農商捐

贊助之則志書之修庶集腋成裘衆擎易舉或不至文獻之無徵
歟余謏陋不文又老耄昏聩愧斯事無能爲役而竊幸諸君子一
唱百和不啻衆志之成城也爰歷述原委援筆而爲之序

民國九年歲次庚申邑人蔣離明謹序

時年八十有四

陽信縣志

序

一一

重修陽信縣志序

志者史之具體也一事一物之微苟無載籍之可尋必不能泛應
而曲當況爲政乎陽信縣志自修於乾隆二十四年以後迄今百
餘年未嘗一修其間典章文物風土民情湮沒而不可考者不知
凡幾後之人欲有所因革而損益之顧何所適從哉邑紳遯五勞
公愆焉憂之歲已未倡議重修並毅然以捐款募款自任乃招集
各界會議公推勞公玉初爲總主筆劉星元陳庚卿協唐陳韞
卿諸君子爲編輯員皆邑之知名士也設局經始凡局內所有事
項復公推楮君子陽爲管理薈萃一堂互加研索閱月而例言脫
稿條理畢具門類釐然其最精湛處在以科學之眼光爲史料之

陽信縣志

序

一三

搜集洵可爲邑乘中闢一新紀元也庚申冬余來權斯邑承當事
者告以艱難締造之情形除捐款不及千元暨執事者俱屬義務
外全志告成印刷費尙分文無着余曰是顧可以忽乎哉除簿捐
清俸外乃爲之發起募捐册令每鄉董每里董各領一册就鄉里
之殷實者廣爲勸募以成是舉事甫行而余奉令調省不得俟此
欸之募集與此志之告成至足慨也顧茲事體大後之來者必有
以贊助而促成之又焉用余之鯁鯁過慮哉行色匆匆爰倚裝而
爲之序

中華民國十年歲次辛酉孟夏知陽信縣事豫章朱蘭霞孫甫識

重修縣志序

縣之有志由來舊矣封建世代始於周禮小行人之職別各邦風俗書郡縣世代創自東漢光武之詔撰南陽風土志嗣是晉摯虞纂有畿服經唐宋敏求編有河南長安宋趙抃編有成都古今集類皆事殫言賅紀綜物博自宋以來州縣志乘多循茲制然惟明韓五泉之志朝邑康對山之志武功清陸清獻之志靈壽義例嚴整事關勸鑑爲諸邑乘所不及我縣志乘自有明宏正以前未有成書創修於嘉靖之遠卿徐公續成於萬歷之清波趙公又續成於清康熙乾隆之天子周公次衡邱公迄今已百有餘年矣世變風移凡邑中芳區勝址名宦高賢清人節女以越殊才絕德懿節

陽信縣志序

一四

遺文淹沒而弗彰者又不知凡幾矧自革命以來易專制爲共和文物聲名悉注重於革之去故鼎之取新我邑雖花封百里得分沾大人君子文炳文蔚之餘輝故輿地之志猶是也而鄉區物產之改革增新矣職官之志如故也而令長法警之沿革非舊矣建置之志猶昔也而學校局所之興革不變矣而且志田賦銀兩錢幣革而爲銀洋銅元志典禮升降跪革而爲脫帽鞠躬志選舉志人物舉貢鄉會革而爲參事議員貴族階級革而爲自由平等至於詩賦制藝之志於藝文其革而爲國語洋文者更炳炳麟麟悉爲教育部所審定總之政無數傳而不變倘不際此世界維新廣諮諏嚴考核燼蕪穢補缺遺俾故軼陳編煥然而一新詎弗忝

陽信縣志序

一五

於新學界之文明乎昔杜武庫發引凡例乞垂舊章張平子合正三史願就新載余雖不敏仰慕平子之雅意素有志焉而未逮幸賴遜五勞公捐款提倡開邑鼓舞踴躍延聘星元庾卿等諸名宿爲編輯蔣公南侯等爲名譽編輯劉先生克齋等爲來訪而勞先生玉初實總其成網羅散失博采公論缺者補之簡者續之詳而有體曲而能賅一披覽而得通典通考通志之遺意異日者通省志採而存之一統志擇而載之其於爽鳩氏之風土人情庶幾文獻之有徵也余得襄盛事而幸素志之克副也於是乎書

中華民國十年歲次辛酉夏歷五月中潯清附貢生岳光憲謹識

重修陽信縣志序

民國建元之十一年歲在壬戌之次予自邱縣調任陽信受事後
索縣志讀之見其災殘梨闕模糊過甚且自乾隆中葉歷久失修
時移事遷典章文物無所記載不免此廢墜之虞而與岡一項簡
略尤甚予方測繪詳圖慨然有意於興修顧詢之耆舊始知邑紳
前任山東河務局長嗣任交通部次長勞公之常已於庚申歲商
同前令尹朱君蘭暨邑中名流碩彥從事續修既經脫稿又就正
於海內名宿以求至當不易故尙待剗剗亟取觀其稿琅琅炳炳
詳實賅瞻因革損益咸得其宜民治紀綱燦然大備爲之欣喜贊
歎不置其明年予以事棄職旋省不復知其究竟越三載丙寅從

陽信縣志

序

一六

勞公於京師公以縣志亟宜印行但今距庚申續修之歲幾葛七
易世勢之遷流愈甚而事實之應補輯者益夥公餘之暇命予搜
殘拾遺再事勘校俾付梓人以竟全功予不文奚足以言作述第
以雪泥鴻爪關懷舊遊今乃合七級浮圖之尖覆九仞爲山之實
不覺眉飛色舞樂於觀成且重以公命義不容辭爰與邑紳薛君
殿華等暨局部同事諸君昕夕考訂漏夜抄掇又逾月而告竣夫
近古邑乘推康對山武功志爲最佳本以其簡潔高妙精富絕倫
非尋常塗抹釘釘龜兔圖冊子所可同年而語也茲志既出誠不敢
與對山抗然完全無闕以視前志則固有冰水異寒青藍殊色之
概矣質之彼都人士當世賢豪以爲何如書成因識其始末而爲

之序

中華民國十五年七月三日前任陽信縣知事畢節邱頤齡敬
甫撰

陽信縣志

序

一七

重修陽信縣志序

夫國有史家有譜邑有志其名雖異其義則同是以前賢修編縣乘博徵文獻廣爲蒐羅紀一邑之事成一邑之書稽千載之考績留百世之偉業採訪歷代廉吏名臣孝婦義士以及山川輿地金石古蹟纂繪成帙斑斑可考實爲化民成俗之寶鑑啟迪英賢之心鏡也四民國丙寅年蒞任斯邑正國家多事之秋土匪潰兵到處搶掠屠村劫寨之案日有所聞荏苒遍野警報頻傳小民何辜罹此凶殃縣城亦岌岌可危四塵裝甫卸卽登戰鞍率隊剿賊斃匪如麻露宿風餐在鄉兼旬幸天心厭亂大愆悉除餘逆望風披靡竄逃直境地方日漸平靜閭閻得以安枕公餘旋署不時

陽信縣志序

一八

接見各界紳商耆老次第將百政刷新逐一整頓依從衆志額首慶頌欣欣然有喜色焉咸爲披斬荆棘從茲商民各安其業以爲頌謝曰惡是何言也四爲親民之官有守土之責民之所好好之民之所惡惡之除暴安良分所應爾自愧未能盡善何頌謝之有惟查縣志自前清乾隆迄今垂百有餘載代遠年湮月異歲更典章法制類多缺如業經各界諸君雅意重修編輯有年未能樂成之際四正遇其時勉勉籌捐以襄盛典並奉交四次長勞公問序於予予謝不敏乃撮其要略而爲是序

中華民國十五年秋八月陽信縣知事章邱張鴻琳少嚴識

重修陽信縣志序

余爲護法奔走南服開闢嶺粵之間出入安南交趾蒞八閩越五嶺過六詔登七星走馬雪山泛舟赤水輪渡三峽擊楫洞庭憑眺黃鶴樓頭觀大江東去濯足采石磯畔覽金陵形勝凡夫炎方之地毒啞之泉漆齒之民花苗之族旅行而兼調查者豈無故哉因思荒陬遐裔之微正華洋雜處將來多事之區每到一處輒欲週知其山川邱陵之險關扼形勝之雄卽物產風俗建設古蹟與夫蠶叢魚鳧開疆拓土之功文翁諸葛數政布教之史無一不欲爬羅蒐集期爲異時軍政要務之參考究以剔鮮讀殘碑策蹇訪逸老不如到處徵集地方史乘按跡蒐尋收事半功倍之效是知各

陽信縣志序

一九

地縣志在最近時代不可聽其剝蝕殘缺也邊省如此內地可知若任蠹魚剝蝕簡編散軼封疆掌故無憑考稽內政外交難尋確據肇尼布楚之損失釐片馬帕米爾之糾葛國家之隱患亦地方之缺陷也余本勞人夙懷斯志欲聯全國知交廣集各縣志書選輯修訂俾成適合國情之一統志寓啟迪後進之意於編述舊史之中俾哉二十世紀之大中華燦然與歐美列國爭光豈不甚盛歟無如遭時多故所遇不合雖抱宏願久付東流近客京華逢陽信勞公復長交次奉公餘暇不就情於雅趣逸致切切以整修本縣志書爲首務重託薛君紱卿董其事薛君余之忘形交也邀余襄贊協理之余素鮮實學樸不能文加以連年奔走並素昔所得